

## Član 4.

Podnosioci projekata, u pravilu, trebali bi biti osnovani kao neprofitne i nevladine organizacije, nezavisne od državnih organa, tj. samostalni u utvrđivanju vlastite politike i troškova, odnosno, pojedinci kao podnosioci projekta.

Organizacije koje apliciraju sa projektima moraju zadovoljiti slijedeće kriterije:

- da su osnovane i registrovane u Bosni i Hercegovini;
- da su vođene od strane državljana Bosne i Hercegovine;
- da svoje aktivnosti razvijaju na području Općine Centar Sarajevo, što pokazuju kroz svoje izvještaje o radu u prethodnoj godini, a novoosnovane organizacije prilikom podnošenja projekta prilažu i programe rada organizacije.

Organi državne vlasti ne mogu biti finansirani kroz ovaj program kao nosioci projekta, ali je moguće njihovo učešće u izvođenju samog projekta u smislu pružanja podrške projektu.

## Član 5.

Projekti se podnose popunjavanjem utvrđene aplikacione forme po objavljenom javnom oglasu Općine u sredstvima informisanja.

## Član 6.

Rok za podnošenje projekta je 30 dana po objavljivanju javnog oglasa Općine u sredstvima informisanja.

O rezultatima odlučivanja po podnesenim projektima svi učesnici na konkursu će biti obavješteni pismenim putem nakon čega će početi procedura zaključivanja ugovora sa organizacijama i pojedincima čiji su projekti odobreni za finansiranje.

## Član 7.

Najviše 15% odobrenih sredstava mogu se koristiti za finansiranje administracije odobrene organizacije.

Subvencija Općine može biti korištena samo za pokrivanje troškova projekta odobrenog budžetom.

Dužina trajanja projekta za koji se traži subvencija je maksimalno 12 mjeseci. Projektni period može biti i kraći od 12 mjeseci.

## Član 8.

Odobrenim budžetskim sredstvima Općine ne mogu se

finansirati troškovi kao što su kupovina kuća ili kancelarija, pokrivanje deficita ili darivanje kapitala, kao ni retroaktivno finansiranje projekata koji se već provode ili su okončani.

Neće se finansirati godišnji program aktivnosti. Projektni prijedlog se mora odnositi na specifične aktivnosti, odnosno na niz utvrđenih aktivnosti koje su u međusobnoj vezi i koji mogu da se identifikuju rezultatima unutar određenog vremenskog okvira.

## Član 9.

Isplata odobrenih budžetskih sredstava Općine vrši se kako slijedi:

- 80% odobrenih sredstava se isplaćuje prema dinamici priliva sredstava u Budžet Općine iz zakonom propisanih izvora,
- preostalih 20% odobrenih sredstava se isplaćuje nakon podnošenja i prihvatanja izvještaja, koji sadrži opisni i finansijski dio, nakon čega se upućuje zahtjev za isplatu preostalih sredstava.

Isplate se neće vršiti retroaktivno. Neće se odobravati troškovi po fakturama datiranim prije datuma potpisivanja ugovora sa Općinom.

## Član 10.

Za projekte čija realizacija traje preko 6 mjeseci do 12 mjeseci, nosioci projekta, odobrene organizacije i pojedinci će podnositi periodični i konačni izvještaj. Konačni izvještaj nosioci projekta su dužni podnijeti u roku 1 (jedan) mjesec nakon završetka projekta. Periodični izvještaj nosioci projekta su dužni podnijeti po šestomjesečnom obračunu.

Za projekte čije je trajanje kraće od 6 mjeseci podnositi će se samo konačni izvještaj.

Općina će obezbijediti nadzor provedbe projekta u toku njegovog trajanja.

## Član 11.

Ovaj zaključak stupa na snagu danom objavljivanja u "Službenim novinama Kantona Sarajevo".

Broj 01-49-763/2000      Predsjedavajući Općinskog vijeća  
13. aprila 2000. godine      Centar Sarajevo  
Sarajevo      Husein Kulenović, s. r.

## OPĆINA HADŽIĆI

## Općinsko vijeće

Na osnovu čl. 36. i 37. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97), član 9. Zakona o lokalnoj samoupravi ("Službene novine Kantona Sarajevo", broj 19/97) i čl. 49. i 56. Zakona o prostornom uređenju ("Službene novine Kantona Sarajevo", br. 13/99 i 19/99) i člana 31. Statuta Općine Hadžići ("Službene novine Kantona Sarajevo", broj 5/98), Općinsko vijeće Općine Hadžići na sjednici održanoj 27. marta 2000. godine, donijelo je

## ODLUKU

O PRISTUPANJU IZRADI IZMJENE REGULACIONOG  
PLANA PROSTORNE CJELINE BINJEŽEVO

## Član 1.

Pristupa se izradi izmjene Regulacionog plana prostorne cjeline Binježevo (u daljem tekstu: Plan).

## Član 2.

Planom će se definisati poslovno-uslužno-stambeni sadržaji u skladu sa Urbanističkim planom Grada Sarajeva.

## Član 3.

Granica obuhvata počinje od tromede parcele k. č. broj 71,

72 i 63 i ide granicom između parcela k. č. broj 71. i 63. sa lijeve strane, nastavlja u istoj liniji sa pravcem k. č. broj: 61, 55, 56 i 57/1 i tu izlazi na put koji vodi na Miševiće, sa puta se skreće prema parceli k.č. broj 48, međom do podnožja brda Toviš, pa se međom vraća parcelama k. č. broj 52, 48, 51/2 do tromede k.č. broj 52, 53 i 73/2, nastavlja dalje do mede između k.č. broj 53 i 74/2 do početka tj. k.č. broj 71, što je sve opisano u k.o. Binježevo, a opis je uzet sa situacije u razmjeri 1:1000.

## Član 4.

Rok za izradu Plana je 3 (tri) mjeseca od dana donošenja ove odluke.

## Član 5.

Sredstva za izradu Plana obezbijedit će Općina Hadžići, putem krajnjeg korisnika prostora.

## Član 6.

Nosilac pripreme Plana je načelnik Općine Hadžići, a nosilac izrade Plana je Zavod za planiranje razvoja Kantona Sarajevo.

## Član 7.

Nosilac izrade Plana dostavlja nosiocu pripreme Plana prednacrt Regulacionog plana.

## Član 8.

Nosilac pripreme Plana utvrđuje Nacrt Plana i podnosi ga

Općinskom vijeću na razmatranje i stavlja na javni uvid i raspravu u trajanju od 30 dana.

## Član 9.

Subjekti planiranja su: Općina Hadžići, Ministarstvo prostornog uređenja i komunalnih poslova Kantona Sarajevo, korisnici i vlasnici prostora, mjesna zajednica, javna i javno-komunalna preduzeća, drugi zainteresovani subjekti i potencijalni investitori i korisnici prostora.

## Član 10.

Utvrđuje se režim zabrane građenja na prostoru koji je obuhvaćen Planom do donošenja Plana.

## Član 11.

Sastavni dio ove odluke o pristupanju izradi izmjene Plana je grafički prilog-prostorni obuhvat Plana prema opisu datom u članu 3.

## Član 12.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-1363/00  
27. marta 2000. godine  
Hadžići

Predsjedavajući  
Općinskog vijeća Hadžići  
dr. **Muhamed Proha**, s. r.

